

SUNNA



(L) Upa Thangchinpau, (L) Zamneng leh Pi Mangngai tapa ahia, Dt. 10/11/1934 in Kathuong khuo ah apieng hi. Dt. 2/3/1955 in Baptisma Pastor Thangkhogin khut ah ana tang a, SDt. 16/4/1959 in a zi Muangjaniang toh Sachih Presbyterian Church ah Pastor Thangkhogin khut ah a na kikhutsui uhi.

P. Salem P/Church Hattuum Upa in telching in a um a, Dt. 28/1/1996 Kum in Sugnu Presbyterian Church ah namdet ahi.

Aman tapa 3 leh Numei 2 leh tu Pasal 3 leh Numei 2 leh a it azi leh Hattuumte nuosie in Dt. 13/11/2007 nin a siempa Pasian kung ah asepmang sang ding in angnuasie santa hi. A Bible Changdeite Jn. 14:6; 4:15.

Editorial



BELAMPUTE KHRISTMAS MANDAN

AWLE, u-le-nau, lawm-le-guolte i Pa Pasian puina toh hun leh nite hing peitou zelzel in ingahla uh Khristmas melmu thei kia diing a iumtah jieh un i Pasian tung ah lungdamthu i gen masa uhi.

I Bible i et leh i ah na hundampa uh Khrist Mangpa Jesu hing pien Mangpa khu a piengta" lai in khristmas mangtu achi hi. (Luke 2:11) tamtah i mu ua, tuate Tualah tamthu a zahtah lah ah tutung un aneasuina uh a in Belampute man dan i belamte uh nuasie in zil khawm diing uhi. thumangtah in Bethlehem Amaute khu miniem leh lam zuon in apeita uhi. mimawl huai tahtahte ahi Agen bangtah un nausen ua, ahin Pasian in a nu pawmlai khu a amaute zong anatel hi. vamuta uhi.

Belampute khu Tualah eite zong belam ching a Bethlehem belampute ma bang in gamdai a um lai un, musithuai leh vansawltah in akung ngiemtahtahte hi zong uah, "Tunin David khopi lei, igitlouna munte,

ineh-le-tah suina dihloute, isuolna munte leh igamtat dan dihloute apat i Mangpa piennalam zuon diing in hat leh chiela um ihi uhi. Tualeh Khristmas zong tamveipi tah ina lawmta ua, ahin, Khrist khu i lungsung ua apien tahtah sih leh athawn a manglel ihi diing uhi.

Tualeh i Mangpa Jesu hing pienna in atup ahikia leh "Leitung a alungdamna mite tung ah lemna leh lungmuonna umta hen" chi ahi. Eden bawsietna nuoi a umte adia suohtatna dah khu Bethlehem ah ang gingta hi. Tualeh Jesu umna leh pienna mun ah lemna leh lungmuonna atun zelzel bang in, eite zong khrist Jesu pienna mite ihi jieh un, ikal uah lemna leh muonna aum akul in apoimaw hi.

Ajieh ahileh i Mangpa Jesu khu lemna kumpipa ahi hi. Ama umlouna mun khu shina leh kitha, kimatna mun ahia, Ama umna mun ah khun lemna leh kituohna in vaiahawm hi. Tulai itenna leitung uh khu kituohlouna leh kilemlouna ngentang in apum dim hi. Tualeh belampute'n athuzah leh mute uh akim apanua mite kung ah tangkoupi ma bang in eite'n zong tam lemna kumpipa khu ikim ipam a gingloute kung ah itangkoupi diing uhi.

Tualeh i Mangpa Jesu khu atahtah in i hinkhuo ah hing pieng henla, tuachiin eite khu lemna palai hi in eima hinkhuo ah, i innsung, i hattuum, i khuo leh i gamte ah tami Jesu tungtawn in lemna leh hamuonna hing tungta hen.

Th u t u o m t u o m

➔ 52nd Manipur Gam Presbytery kumtop khawmpi khu date 7th-9th December 2007 in Beaulahlane Presbyterian Church ah um diinghi.

Tuachima bang in 41st Manipur Eastern Presbytery khawmpi Sugnu P. Church ah 14th-16th Decmeber 2007 ah um a, lawchingtahnin zaw ahita hi.

➔ Khuga Sadar Presbytery Golden Jubilee date 9th December 2007 ni in S. Kotlian ah lopna um diing hi. Tuanah Rev. Laldawngliana, Administrative Secretary PCI thugen in pang diinghi.

➔ Aizawl Theological College (ATC) 100 chinna Centenary lawpna date 22nd-24th November 2007 in Aizawl ah lawpna nei uhi.

➔ Manipur Out Reach Network (MORN) nuai ah Crusade Programme, tam anuai abang in lawching tah in kizou hi.

1. Dated 20 November 2007 in Kakwa ah.
2. Dated 26 November 2007 in Maibam Leikai ah.
- 3 Dated 27 November 2007 in Kushanthong ah.
4. Dated 28 November 2007in Thangmeiban ah.

SUHDIHNA (CORRIGENDUM)

Adihlou

KT November Issue 2007

Adih

- | | |
|---|--|
| 1. Page 7 heading a 'Council for World' | 1. 'COUNCIL FOR WORLD MIS-
SION' |
| 2. Page 8, 1st column, Para 3, 3rd line 'Rail Way' | 2. 'Railway' |
| 3. Page 2, 2nd column, 1st heading serial | 3. 'Churches of Bangladesh'
(COB) no.1 'Churches of
Bangalore' (COB) |
| 4. Page 9, 1st column, 2nd Para, 5th line, 'Statement' | 4. 'Statesman' |
| 5. Page 9, 2nd column, 2nd line, 'Mihing
sumdawnnan taah' | 5. 'Mihinga sumdawnna antaah' (victim) |
| 6. Page 9, 2nd column, 2nd Para, 3rd line a '16, (1) | 6. '16 (1)' |
| 7. Page 9, 2nd column, last 3rd line 'Children Marriage' | 7. 'Child Marriage' |
| 8. Page 10, 2nd column, 2nd Para, 4th line a 'kipiahtuoh' | 8. 'Kipiahtuo' |
| 9. Page 11, 1st column, 2nd Para, 1st line a
'8,00,00 leh 9,00,00' | 9. '8,00,000 leh 9,00,000' |
| 10. Page 12, 1st column, 2nd Para, 1st line, | 10. 'Naupang 10,000-12,000'
'naupang 10,00-12,000' |
| 11. Page 12, 1st column, 2nd Para, 2nd line 'Khantoulou' | 11. 'Khangtoulou' |
| 12. Page 13, 1st column, 3rd Para, 3rd line 'SAARC' | 12. 'SARC' |
| 13. Page 13, 2nd column, 1st Para, 3rd line 'SAARC' | 13. 'SARC' |
| 14. Page 14, 1st column, 7th Para, 3rd line 'Kivei ding dan' | 14. 'Kiven ding dan' |

KT October Issue 2007,

- | | |
|--|---------------|
| 1. Page 20, 1st column, sl. no. 3, 6th line 'Kisutdih' | 1. 'Kisutdoh' |
|--|---------------|

- P/P M.G. Nehlian

BETHLEHEM LAM ZUAN IN KILE KIA VAI



- P/P M.G. Nehlian

Nielkal pawlte'n Khristmas Bible ah kimulou chi uhi. Tam guoh hilou in, Good Friday, Easter Sunday, Palm Sunday leh Sunday te zong dihlou chi in nasatah in Khristian sakhuo apat puimang sawm in thudih/thutah thei kibawl in mi tampite sabbat leh batlou pawl ah thujaw in panla uhi. Tambang mite'n Khristian sakhuo minsiat sahna ding leh demna ding in gen thei teng gen in bawl thei teng bawl uhi. Alelam ah ni minte (Name of days) thu ah vang gentenan, Sunday (Nisani) leh Saturday (Saturn apat kiladoh) a tamte toh kisai a ni poimaw leh kijopna nei ahina chieng a umna hi. Ahii'n, tambangte kibie vang a hisih chi theisiam poimaw mama ding hi.

Tamnah i theisiam ding khat kia ahileh Bible ah bangkim kigiel sipsip lou ding hi. Gentenan, i ann neh ding dan i lou nasep ding dante khu Bible ah kigiel sipsip lou hi. Thuhoi-thupha silhoi tampi Bible polam ahivang a Bible toh kikallou tampi um hi. Tamnah i gen ut ahileh Bible Pasian thu a hisih i china hilou in Bible pen Pasian thu, Pasian	huha khum, bu 66 ahia, adem pawlte'n Bible a umlou pou a chi jieuh ua a thumal 'Khristmas' vang umsih ma hinanleh Bible kal a hisih i chi nopna a i gen hijaw hi. Tam banga Khristian sakhuo minsiet sah sawma panla pawlte'n zong thuhunlui a Mose daante zong jui bukim zou tuanlou uh ahina ah amaute apat i kivenbitna ding um
--	--

sun khu hun lemtaang piahlou ahi mai hi.

A gam leh amun zilin Khristmas mandan leh bawldan zong kibanglou hi. Naupan hun a mandan leh piching huna mandante zong kikhie hi. Naupangte leh khangnoute hun leh lawmleguolte toh khophawhloua noplen hun dan in kilang maithei hi. Pichingte a ding in hun paisate ngaituona, mittui luonga it leh ngai muolliam te geeldohna hun ahiban ah tam hun pen thawmhauna leh lunglenna hun a zah zong bailam mama hi. Bangteng hitaleh Khristmas umjie theisiemloute ding in tambang hun pen manthaina, hinkhuo mansuona leh kisietna hun a zah zong gamlalous hi. Hinanleh aumjie dihtah - Kei a dinga silpiah loupi khu ka kisaan ding ahi chia lunggel neia mangsiemte dingin vang ahileh hagamaulm leh tahsa lam ah guolzawlina, ama ading leh midangte a dingin a suoh thei hi

kichi leh kikhie lou maithei hi. Tualeh Khristmas hun chieng in chiemte na tuomtuom- ashi, candle, singkung leh tehsepulim (Santa Claus) te bang zong muthei in um jel hi. Tamte panglou a Khristmas in umjie neilou hituanlou hi. Alien-aneo, ajawng-ahau, apil-amawl, koipou in tambang hun a ikipabukimchiet theina dinga i nasep i silbawlte uh pouma i pilvang ding uh poimaw mama hi. Khat-le-khat kidawnjangtuo a midangte a dinga puohgih hilou dingin ei tan dinga hing pieng Jesu vai dawnna i nei ding uhi.

Luke 19:10 in, 'Mihing tapa khu amangsa suidoh dinga hing pei a hingal a', achi hi. Manthaina lienpen khu khelna ahi. Buoina hing kipatna, mihingte sugentheitu leh lungkham mangbanga umsahutu, kimelmalou dinglai kimelmasah a kidousahutu, ngaituona gilou piengsahtu khu tam khelna ahi. Zinmang henkol bul apat suotatna

ZPWF APAT THEISAHNA

Tam anuoi a thute khu ZPWF apat in hattuum zousie theisahna kahing bawl hi.

ZPWF5th Committee thuphasah dungjui in kum kia 2008 chieng a Puonkhui zil nuomte a diing in kingetna pieh thei ahia, tualeh Instructor (Sinsahtu) diing zong khat kidei ahiman in chitna nei a utte a diing in kingetna pieh thei ahi hi. Tam anuoi ah a poimawte kahing tahlang kia hi:

1. Puonkhu zil utte a diing in:

- Admission Fee Rs. 100/-
- Ha chin a Fee Rs. 150/-
- Presbyterian Mi-le-sa ahidiing a Hattuum recommend-na lai atawi diing hi.
- Kinget thei hun sung January 08, 2008 tan
- Interview nii diing January 09, 2008 (10:30Am)

2. Instructor (Sinsahtu a diing)

- Khawl siem leh Certificate nei
- Mi piengtha
- Zou Synod mi-le-sa
- Hattuum recommend-na lai
- Halaw Rs. 1500/- (hachin)
- Kinget thei hun sung January 08, 2008 tan
- Interview nii diing January 09, 2008 (10:30Am)

Tam thu Hattuum zousie in Biehinn a hing puonsah a lunglutna leh chitna neite hing sawl diing in i kingen uhi.

Kipah thugenna

Lentang District 49th Session khamwpi dt. 16th - 19th Nov. 2007

Nungshai hattuum ah um in, tuanah Nungshai leh Aina kikal gamlapi ahi man in zingmawng ann neh lou in Aina hing kidel inm tuanah Aina Hattuum ten neh leh dawn diing hing bawl sah in, tualeh nungah leh tangval te khuolna in mi kiphah bangjat e khat in sum ki thohkhawm in Aina ah voh khat Rs. 1600/- in ki lei hi.

Aina hattuum ten tuitah in hing bawl sah in khawmpi mangteng in zing ann kine hi. Tuanah mi kiphah sum hing tuohpi te min leh tuoh zat tam anei a bang ahi.

MIN	Rs.	MIN	Rs.
1 Rev. Hangpi	100	2 Pa Ginzalian Chief of Aina	100
3 Upa Awnkhankhup	100	4 L/Upa Langminthang	100
5 Upa Kamdou	50	6 Upa Khamzathang	50
7 Upa Thangsuankhup	50	8 L/Upa Chinsuanthang	50
9 L/Upa Ginkhanlun	50	10 L/Upa Khaichinmang	100
11 L/Upa Kapkhanthang	100	12 Upa Khamhang	50
13 Upa Kapkhanhau	50	14 Upa Chinsuankhai	50
15 Pa Dongsianlal	50	16 Pa Ginkhankhai	50
17 P/P Mangsuanthang	50	18 Pa Gousuankap	50
19 P/P Kapsuanthang	50	20 L/Upa Haukhanpiang	50

Tam a tung ateng in a tuoh ban ah District in Rs. 360/- a tuoh hi. Tuajieh in tam sum hing tuohpite kung ah Pasian min in kipahthu gen ahi. Amah uh te Pasian in tu sang a tam zaw tuoh thei diing in guolzawl ta uhen.

Sd/-

Finance Department
Lentang District (ZPCS)

petu ding mi a kituulmaw a akingai vawngvawng hi. Tuakhu thuhunlui hun a patsa thuchiem a hing pieng ding, ginna vanga suohtatna khu ana hita bou hi. Tua suotatna lampi umsun khu vanney khelna pomangtu Pasian tapa loungal tam leitung leh van ah koima adang umlou hi. Tuami dingin mihing banga a hing pian ngai dinga, ama

leh ama kingainiam a, shina tan chienga apa thu a hing man ngai hi. Ajiehpem ama shina in kumtawn hinna ahing peta hi.

Apien ding kum 2000 ma pehin ana kigenlawh zou tham ta hi. Tuamin Pasian thu pen zuau lou ahidan tahleng hi. Tam aneyate sim in.

Genlawhna	Taangtunna
1. Numei suon apat (Gen. 3:15)	Gal. 4:4
2. Juda phung apat (Gen. 49:10)	Lk. 3:33
3. Bethlehem ah (Mica 5:2)	Lk. 2:4,5,7
4. Apien hun ding (Dan. 9:25)	Lk. 2:1
5. Nungahsiengthou (Isai 7:14)	Lk. 1:26,27,30,31
6. Galilee gama asepn (Isai 53:3)	Jn. 1:11; Lk. 23:18
7. Loupitah a Jerusalem alut (Zech. 9:9)	Mk. 11:7,9,11
8. Kross a kilbehna (Isai 53:12)	Mk. 15:27,28

Tamte banah apa'n ataisan ding, anaah teipi a dawt ding, vui a aum ding leh athawkia ding tung tang leh adang dang genlawhnate, akigen bang bang in abawnin tangtung veh hi.

I thupi in Bethlehem lama kia dinga ahing chielna bangin 'Bethlehem' min umjie i thei uh poimaw masa ding hi. Amin umjie ahileh,

“Tanghou inn” china ahi. Agen tup ahileh “Kei van a hing kipan hinna tanghou ka hi” chia genpa pienna ding mun a genkhiehna ahi. Mica 5:2, in “Bethlehem Ephrathah” achia, amin umjie khu - Gaa mama, ha gaa sem china lam akawh hi. Tuajieh in Jesu khu vanney huap a hagaulam a gaa tamtah a suo ding gendohna ahi kia hi.

Van a vansomsieng simsegloute’n aw thawngjena kikoua Jesu pien kipana la sa a loujaua um khopi pam lama belam chinga jaangiehte kunga kipana thu ahilna uh Lk. 2:8-14 na sim leh nathei dingh hi. Belam ching i chi chieng in tua hunlai in simmaw huoitawp leh mi nuoinung, koimathulahlou hon leh mi kidahhuoite ahi uhi. Hinanleh amawpuohna uh ngai poimaw mite ahi uhi, chi akimuthei hi. Thukipah huoi ajahjah un khopi sung ah taipai

in Jesu pian atangkou ngal uhi. Eite’n zong heisung mun ah um in bang bawl lei zong i mopuohna lien in neu taleh zong i ngaipoimaw in i sempiching ding uhi Amau kunga vansomsieng te kilah in umjie anei mama hi chi imu hi. Ama nua jui eite a ding in Khrist hing pai ding a hing pai masiah chimloua zaila a i awi zing ding khu a pienni zaan apat alouthailou a hi ta hi. Belam chingten khantanhoi puanzah ana pan ua, abanah gingu masate’n mun tuamtuan ah ana puongzah uhi chi tam aneya pat in imu thei ding hi.

1. Jerusalem ah khantanhoi ana puangjah uhi. (Acts 5:5-9)
2. Biehinlehakimvelah(Acts2:46)
3. Inn khat pan in inn khat ah lut in khantanhoi apuongjah uhi. (Acts 20:20)
4. Bajar mun leh lampite ah khantanhoi a puongjah uhi. (Acts 5:15;14:8-10)

NECTAR

(North East Centre for Training and Research)

THEISAHNA

Koizong mipiengtha Pasion kouna za a kithei namdang te kung a khantanhoi gen utna lungtang neite a diing in Training na aum a, a ut te adiing in Apply bolthei ahi.

1. ENGLISH TEACHERS TRAINING COURSE

A Course ha khat leh akim ahi diing hi. Tami course hi Teaching English to Speakers of other languages zong aki chi hi. A siltup ahileh khangthah laisiamte Mangpa nasepna a amaute kivah theina diing ahi. Tami course hi U.S.A. te bulphu a English language Institute China (ELIC) ki chite toh Partnership a guonggal ahi.

<i>Duration</i>	:	<i>January to February 2008.</i>
<i>Last date of Submission</i>	:	<i>December 31st 2007.</i>
<i>Seat</i>	:	<i>Only 20.</i>
<i>Course fee</i>	:	<i>Rs. 3000/- Per Month.</i>

2. CROSS - CULTURAL MISSIONARY TRAINING (CCMT)

<i>Duration</i>	:	<i>April to July 2008</i>
<i>Last date of Submission</i>	:	<i>December 31st 2007.</i>
<i>Seat only</i>	:	<i>20.</i>
<i>Course fee</i>	:	<i>2500/- Per Month</i>
<i>Recource Persons</i>	:	<i>National and International</i>

Entrance test bawl ahi diing a, ani leh ahun pen awl a theisah ahi diing hi. Abawl theidiing te Mipiengtha namdangte kung a Missionary diing a kouna tang, tahsa, hagau leh lungsim lam a damna nei mi, graduate sapham siam leh Ministry a kizang mi ahi diing hi.

Lunglutna neiten Upa Jamkhongam Secretary Sr. ZPCS kung ah Application form muthei ahi.

um zel diing ahi. Genthei tah a i umlai bang in zong Krist in ang umpi hi.

“Immanuel” ahi laphuohtu khat, Evangelist ahi lai in miten zintun na ngon phallou in mi innnuai lah pou ah a gieh a kichi hi. (Manipur a Pasian thu ang lut tung lai in) mite Pasian a phawhpha sih uhi. Ahi vang in tam mipa khu Pasian in a umpi a, tuabang a hasah leh genthei a thuoh lai in “sunni tumlou Zion khawpi” chi amitha a mu in ang phuoh khie a, tuni tan in (North East) singtang mite lah ah lahoi leh dei umtah ang suoh ta hi.

Bible College ah te, ni chin a ineh itah zonna ah te, Pasian thu i genna ah te, gamdang muntuom ah, meltheiloute lah a, soisahna leh engbawl na ituoh a, suhgenthei a i um in zong Pasian ikung uah a um hi “Immanuel” Jesu’n kei na kung uah kumtawn in, vannei toptodong in zong ka um zing diing achi hi. Matt. 28:20.

(b) Chimo mangbat na ah - Mangpa ah nuom tawntung un hing chi kia leuleu vang nuam un chipa khu hasatna, lungkhamna thuah ngailou hilou in genthei tah a, soisah a um a, lelam lelam a nehdena umpa Paul chi ahi. II Kor. 4:8-9 sim in. Kuong sietna tuoh a, tuitung a chimopa, Judate satlum lapa’n hamuonna thupitah nei in hamuonna thu tampi agen hi. Apostle Paul khu hasa chimo tuah um in ka mu sih hi. (IIKor. 11:23-28), Ahivang in Paul in Pasian Immanuel ahina a muchien deudeu hi.

Ahi, Pasian in taga diing leh lungkham mangbang diing in ang taisan sih a, athupina akithuam a thupitah a angpei kia masang in Immanuel Pasian ahiman in ei atate hasatna, lungkhamna, natna, satna, chimo, mangbat nate i thuoh lai in zong ang umpi, “Immanuel” tua khu ikung uah Pasian um hi, chi min nei Pasian ahi chi atha in phoh chiet vai, Pasian in hing guolzawl ta hen.

5. Synagogues munte ah khantanhoi a puongjah uhi. (Acts 13:14)
6. Philip in Ethiopia michilgeha kung ah khantanhoi a puongjah hi. (Acts 8:26-36)
7. Zentelmi Kornelia kung ah Paul leh Silas in khantanhoi a puongjah hi. (Acts 10:22-48)
8. Suangkul sung ah Paul leh Silas in khantanhoi a puongjah uhi. (Acts 16:25-32)
9. Paul in a tembaw tung tuanna mun ah khantanhoi a puongjah hi. (Acts 27:22-25)

10. Paul in lengte leh governorte masang ah khantanhoi a gen hi. (Acts 24:1-27; 26:1-37)

Nuajui masa ten Khrist pien, a hinkhuolamdang, a shina leh guolzoua a thawkia thute hun zousie leh mun chinteng ah ana puongjah ua ana tangkou bawh uhi. Amaute sulnuo jui in eite’n zong khantanhoi mun zousie a puongjah in khristmas i man chin in pan ila ding uhi chi tunia Bethlehem lam zuan kia dinga iki chielna toh dungjuia iki chouna (challenge) thupipen ahi. Mangpa’n a khantan thupha puongjahna a thanopna, lunglutna leh malanga inei zing theina ding in athu i gen khah sunte guol hing zawl taken.



EDEN TULSA GUOBANG HING KIATA

-Upa M. Gouzamang

Van Pasion in Adam leh Evite khu Ama lim leh mel pu in Asiem a khelna, natna, kana, gitlou satlouna bei in Eden huon ah teng sah in nichin in akipawlpi (Fellowship) jing hi. Tuami dimnun khu Pasion ta leh innkuonpi hina dinmun ahi. Pasion loupina akitanpina uh dinmun ahi. Tualeh hin bukim, (Perfect life ahi) ahi.

Tuabang hinkhuo a ahinlai un, Dawimangpa solna ah hinglut kha ua, Pasion innkuonpi hina leh pawllimna khu khelna jieh in ahing mansuota ua, Pasion melma ahing tangzota uhi. Eden huon apat hawlkhiat ahing hita uhi. Pasion loupina hinkhuo abanpha nawn sih uhi. (Rome 3:23).

Ahinlah, Pasion in Ama hinna hu apiehsa mihingte tangtawn a mangthai mai ding ngai ngamlou in, a kikhenpi sate toh kizop kia ding siltup (salvation plan) ahing bawl sah pai ngal hi. Setan sal a

tangte huh dohna ding sil guon khu lam chituomtuom ah zawlneite zang in mihingte lah ah ahing phuong hi. (Hebrew 1:1-2)

Tua Eden mangsa leh talsa, guo bang hin kiana ding in leh mihingte khelna a shina Pasion standard ahing tun thei kia na ding in Tapa Pasion in a vangam loupina teng nuasie in khelna neilou pa mikhielte lim leh mel puo in, haguesiengthou a gaisah in David suon nungah siengthou (Virgin Mary) Mary sung ah van Mang ta ahing pieng ta hi. (Mathai 1:23)

Kristian te lah a guolnop bawl na thupipen pen ang suohta hi. Ahivang in Kristian te lah ma ah, Khristmas umjie bang ahei chi zong theilou a sutdan diing lah ngaituo vatehlou tampi um in amin diing a gen a nausen hing pieng diing ahi chia agen toh kisai in amin diing a gen a tuami khu "Immanuel" ikung uah Pasion a um china ahi. I kung ua Pasion hing umna in phattuomna/noptuomna ang tun ei chi saulou in en vai.

1. IMMANUEL :-


Pasion i kung uah a um chi in hundamna ang kiphawhsah hi. thuhunlui hun in khelnate thoi ahi chieng in akhelnate uh khuh ahi. (antonement) Ahivang in thuhuntha sung ah Jesu Krist tahsa ngel a khiel kithoina ang bawl chieng in, Khelna khuh hitalou in tat te (redeemed) Heb. 9:12, Tualeh sawpsiengte (cleaned) I John 1:7 ahi zaw ta hi.

2. IMMANUEL :-

I kung uah Pasion a um chi Pasion hagau siengthou dei umtah in ang umpina ang kiphawhsah hi. Hundam tate i un in pumpi (christ) pumpi khat a um diing in hagau khat a Baptist in i umjaw ta (I Kor. 12:13) tua hundam tate ma khu hagau siengthou a chiemte ihi uhi. (Eph. 1:13). Tuajieh in eite khu Krist hagau siengthou tenna ihi uhi.

I Mangpa Jesu Krist mama in nuazuite kung ah taga diing in kang peisan sih diing achi hi. (John 14:18) Pasion siltup leh Jesu Krist nasep khu leitung a Jesu tahsa a hing pieng a singlamte a asi bei mai lou in Immanuel Pasion ahina tuni tan a gingtu zousie te kung ah a hagau siengthou a umpina zong ahi.

(a) Gentheina ah - Pasion tahsa a ang suoh a Immanuel ang hina bei mai hilou in kum tawn in ama (Pasion) khu amite kung ah a



BIBLE STUDY

Upa S.K. Khama Contributing Editor

“Nungah siangthou khat hing gai van, tapa khat hing nei va’n Ama khu Immanuel kichi diing hi. (tua khu Pasion eite toh a umkhawm hi chi na ahi.) chia na kigensa khu”. Matt. 1:23

Hoina a din Pasion siangthou, chitna leh hoinate vang a, tuni a nang leh kei 2007 kumtop mong a hing ding sahpa I Pasion kung ah lungdamthu itut uhi. Mi sang nempite tami kum tungzou nonlou a, hanmual aliam nua un nang leh kei tami hun i mu ua, ihoi jie, midang sang a ipil jie leh imigit jiehte ahi sih a, Pasion hing umpina leh puina jie ahi zaw chi ithei uhi.

I Laisiangthou tangtel khu, (muthei) hing suoh in, thu khu tahsa tang kilah tah, sim nophuai leh ang in ang piang ta hi. Tua hagau tahsa hamuontu khat ahi. Pasion pen ang suohna, Pasion tahsa a ang pian hagau (spirit) ahia, koiman a muthei na (incarnation) khu ahi. Matt. 1:23 sih hi. Ahi vang in Pasion hunbi ang in ana genta hi. Tuami ni leh ahun bukim in, mutheilou hagau khu sa thu ah, Christmas chi min vaw in

Pasion in Atapa tang neisun Jesu Khrist tungtawn in van Eden lampi ahing siemsah ta a, Immanuel eite lah ah ahing teng ta ahi. Eden tulsu khu ahing hing kia ta hi. Hallelujah !! Tami Eden nina khu atawpna ahing hi ta ding hi. Eden nina na lut meng sih leh nanga ding in gawtmun (Hell) amansa ahi ding hi. Eden nina ban ah Chance dang um nawn sih va.

Sanggam it, van Eden nalut theina ding Setan dei dan a na pumpi leh na lungtang umpen aki zang thei sih a, akidah hi. Tuajieh in Pasion dei dan hinkhuo siengthou leh lungtang siengthou nei a, khovel toh kilamdanna na nei a, Jesu Khrist a na kithop sih leh Pasion innkuonpita lah ah na pang thei sih ding hi. Nanga ding in Eden Tulsa abei den ta ding hi.

Na Eden khelna hinkhuo paikhien len kisiemtha in (Be transformed) khovel toh kichimat na khu Pasion toh kimeelmatna ahi. Christmas hun hing tung tung na va mawh chi sin. Christmas pen hing tung tung maithei, hinanleh na hinkhuo khu bang chih chienga bei ding na thei sih hi. Dah 12 (sawmleni) ah kisia a, kisiemphat sawm sin. Dah 12 (sawmlekhat) ah na hinkhuo a bei maithei hi. Na hinna khu Pasion khut a um ahia, nanga ahi sih.

Tangtawn Eden leh Tangtawn meidil (Hell) koi na teel zaw ei? Hun na nei lai tah ahi. Dei na teel thei lai hi. Na second chance mansuo sin. Krist toh A mas zang khawm ding in Pasion in hing guolzawl ta hen. Amen!!!



SUOLAM AHSI

Upa Khupsuankham, Saiboh

Suola ahsi tanchi igen masang in, Ahsi tanchin thumapui gen masa vai. Ahsi kichi khovel a nam tuomtuom te khun lengtha pien diing etsahna amangleng uhi. Leng Ahsi ana chi zel uhi. Mangpa Jesu pien lai in Ahsi zat tuomtuom kidang tahtah ana um hi. Tun in Mangpa Jesu hing pien na Bethlehem lam angkawm in Suolam Ahsi tanchin bang tabango e isui diing uhi.

“Suolam Ahsi” khu bang tobang e? “Suolam Ahsi” khu mi zousie Bethlehem lam a puitu Ahsi khu ahi. Tam suolam ahsi khu ahsi limdang tah khat ahi. Mit a muthei leh pulang a kilang thei ahi sih hi. Nausen umna tunglai tah a um thei khu ngiemnou khat apei angai hi. Tuajieh in, midang mulou thei ahi sih hi. Hinanleh koiman amusih ua, “Suolan” mipilte mai in amu

uhi. Tuajieh in, unau ngai un tahte vo, mipilte puitu “Suolam Ahsi” hagau mite in taha, kichien tah a, mu diing in kiletsahna tellou, kinngai niem na toh Bethlehem lam ngava ui, Mipilte puitu ahsi khu, hagau mit a mu chi ahia, Amangei Jesu khu suohlam ahsi ana hi hi.

Tam ahsi khu Judate kinapi AHSI, Zingsawl Ahsi nelkai ana chi uh khu ahi. Suolam ahsi khu Jesu

Bible apat hing suidoh un chiin thu a pie a, Sangnaupang khat in tam bangin ang giel hi. Ka gil a kiel in neh ding neipie ua, zin ka hi in na Inn uah neitungsa ua, guohtang a ka um in puon neise ua, ka chi anat in neive ua, Thong kakieh in nei enkhie uhi. Ka unaute lah a simmaw huaipen tung a na bawl uh khu ka tung a nabawl uh ahi hi. (Mt. 25:35) chie a giel leh a Sangsye pan jong tami thu a simjou in Sangnaupangte hankhawm in a sawldawh a akhosung ua genthei deute suidoah in Inn chin ah silpieh/thawlawm a dong sah a gentheite apanpi ua, tuo genthei in kipahtah in Chrisatmas a mangta uhi. Khrist min a isil sep leh bawl ten mite kipahna, limna, nopna ahi ding ahi.

Unaute itna silpiehm, panpina ichite Innsah Innhangte tunga i panpina (senna) te enlei, ang pekie jou dingte, aneijou deute, tahsa a i u, inau deute hi sese, tuobang ahia, leitung idam sung a mukie ding kinepna tawh isep (i bawl) leh Mangpa kipahlou ahi chi thei in I Mangpa'n kanuajui na hi zieh ua miten tuisih noukhat a hing pieh leh lawman a taansih ding a chi khu theikom in Christmas ni a Innsah Innhang leh Hattuompite kipah thanuam tah a tami ni leh hun a mantheina ding uh nang leh kei mopoah ahi.

Khrist deidan a Christmas mang thei ding in Mangpa'n simtute jousie hing houpi in hing panpi chiet taken.

uhi. (Laisiengthou in pienni khu sapsiet in umhen ana chi zieh in). A ki man kum chet thei hasa hinan leh Kum 361 AD in December 25 khu Jesu pienni a puon in a um a, Christmas chi in man ahing hita a, Kum 500 AD hun in Hattuum jousien atangpi in pom in akijui chiet ta hi.

Christmas - thu teng umzie tah ahileh

Christ - Greek ham in Christo ahia, a umzie ahileh thaunu(thauhil) ahi.

Mas - Hebrew ham ahia, tuokhu latkhieh kipedoh china ahi.

Hinanleh Mas khu Mass chin khenkhat in gel in Christmas khu Christiante guolnop (Nehkhawmna) hun in ana mang uhi.

Tunin khovel in Christmas a man dan/i mandante uh enlei, khenkhat in Guolnopna, tahsa zalenna, party bawlina,

picnic, silpieh kipiehtuona (gift) nih leh puontha neina, hiang leh san kom na, leh sil kipahpi umlou tamtah sepna hun hattuum sung t anpha a ahau a zawng kikhenna leh taga meithaikisa jouloute adia genthei lungkhamna leh zumna hun a mang bang a um thei hi.

P.S. 77:11 in a gen bangin tami nikhu Christ nasep thupite geldoh leh theizing a, ei zong ama a dinga kilandoh a kipumpiehi a mang dingin Christ in a hing dei hi. Hattuum khat Christmas ni in genheite pieh ding nih leh puon sil leh ten a neite uh angtoikhom ua, Innkuon khat in Bazar ah a thangen a lei ua, angtoi uhi. Tam Inn kuonten genthei panpina dingin sum leh paai ana khel jel uhi.

Tumlam gam a saang Inn khat ah a Sangsye pa un a Sangnaupangte kung ah Christmas bangchi man ding e

Khrist gingtaloute muthei ahisih hi.

Suolam Ahsi poimawna namli (4) Anei a bang in gen vai.

1. Hundamna michin in amu na diing in, midiing khovel in poimaw tah a angah ahi.
2. Suohlam Ahsi lou ahsi dang aum sih hi.
3. Pulang mit leh tahsa mit a mu thei chi ahi sih a, lungsim mit a mudiing ahi.
4. Suolam ahsi muchien tahtah lou te adiing in, Khristmas ahina bang tah in amutheisih ua, umjie bei asuoh uhi.

Bangchileh suohlam ahsi imu thei diing uai?

1. Lungsim a kingainiemte kungbep ah akilang leng a, tuajieh in kingainiemna poimaw hi.
2. Khovel thupina leh ahoinate, sum-le-pai leh nguunte khun

adal thei hi. Eima chauh kingaituona leh kiletsahna ten zong ang dal thei hi.

3. Suolam Ahsi i mu theina diing un kipumpiehi poimaw hi.

Tuajieh in, u-le-naute aw, Amin khu, lamdang, lemguottu, Pasian thahat, lemnalal, suohlam ahsi lungsim mitchiim tah amu ngei diing in, kingainiemtah leh khovel thupina leh ahoinate manghil khop hiel in Bethlehem lam nga va ui. Tuachiin suolam ahsi khu ahina bang tah in muvai in, khristmas chi umjie, ahinatah theichien in, lei-le-van a tawpngailou diing kipahna bukim khu itangngei diing uhi.

Suolam ahsi kichientah a mu a, eima dinmun chiet a kingaingingiemtah in lemnalal pienchampha (Pawi) lawm diing in kisingsavai. Num. 24:16,17; Mt. 2:1-2; Kih. 22:16; Matt. 2:2) Asimzousie Khristmas kang buh hi.

BETHLEHEM

Bethlehem umjie khu “Tanghou inn” china ahi. Tami in Bethlehem khuo khu Jerusalem (South) apat a Mile 5 a gamla ahi a, Sea Leavel apat Feet 2550 a saang ahia, Jerusalem khopi sang in Feet 100 in asaang zaw a, tuami hunlai in Bethlehem dang khat zong Jebulun gam Nazareth North East Mile 7 a gamla mun a um ahi.

1. Juda gam Bethlehem khuo khu vangpha ahi
- a) Leitung buppia khoteng lah a Jesu pienna diing a teel;dohna khu avangphatna khat ahi.
- b) Kum chin a Khristian ahun kibang a vannei pumpi in Khristian kimanna zousie Bethlehem khuo akigenna tah zong avangphatna ahi.
- c) Jesu pien guoh hikhawplou in Judate a dia thei diing poimaw tampi umna zong avangphatna ahi. Tualeh miliem milal tampi kivuina leh apienna mun uh leh silthupi tampi kibawl dohna mun zong ahi.
2. Bethlehem khuo khu Pasian min loupi kipuondohna mun ahi.
- a) Pasian kichiemna thuhunloupi nimasa leh haamasa lai a sil na umsa mawng Israelte vaihawmna diing hing pienna diing thu kipuondohna mun ahi. (Mika 5:2) Tami khuo sung ah musit umtah a kumpi hing pieng khu chibai bawl zousien Pasian min loupina apuong doh chiet uhi.
- 3) Bethlehem khuo khu a vapeite zousien kipahtah leh thanuomtah in:

a) Mary nausuo kuon a pasal toh gimtah a lampi ajawt lai un zin tunna diing amulou vang un Bawngbuh sung ah a kitawldam ua, tapa masapen khu anei uhi.

b) Ahsi lam a theina neiten Jerusalem ah lunggimna tampi atuoh nua un kipahtah in Bethlehem lama juonta uhi.

c) Lou pang a a Belam chin uh a nuasie utlou a um Belam chingte khun kipahtah in Bethlehem avapha ua, kipahtah in a kile kiata uhi.

U-le-nau ittah tu kum Khristmas nang a diing a kipahtah hagau lam a khantouna ni ahitheina diing in Khristmas chibai kang buh hi.

KHRIST DEIDAN A CHRISTMAS MANG

Rev. Khamchinkhai
Executive Secretary
Z.P.C.S.

Laisiengthou mun tamtah ah Messiah/Khrist hing pieng ding thu mu ahia, Jawlnei Isai, Micah, Jeremiah, Hosia, Mosi, David, Zechariah leh adang dangten ana gen uhi. I Mangpa Jesu ngel in jong ama hingpei ding thu ah jawlnei tampi leh kumpi tamtah in ana mu ut uleh ana ngahla mama ahidan thu a nuajuite kung ah ana gen hi. (Lk. 10:24)

Mangpa Jesu khu B.C. ana kimang sih hi. Azieh ahileh 4 a pieng in akisut a, Kum 33 Hattuum lamkai masaten tan dam in ana kisut hi. Kum Hundampa pienni hiel lawp 300 val a pienni (Christmas) ding khu khelna bangin ana gel

Khristian Tangkou

Vol. No. 34

Issue No. 12

December, 2007

Editorial Board

Editor	: Rev. Hangpi Manlun
Joint Editor	: Rev. Khamchinkhai
Circular Manager	: Jamsianmung
Business Manager	: Mr. Khamzathang
Contributing Editors	: Upa T. Gougin Rev. Chinzathang Rev. P.C. Manga Upa S.K. Khama

ZOU SYNOD ULIENTE- 2005-2006

* Moderator	: Rev. Tualzachin
* Moderator Elect	: Rev. H. Nengzaton
* Secretary Sr.	: Upa Jamkhongam
* Secretary Jr.	: Upa Khamchinjam
* Finance Secy.	: Upa M. Kamzadou
* Treasurer	: Upa Khaihenthang
* Statistician	: Upa Hauzalam
* Sr. Exe. Secy.	: Rev. Hangpi Manlun
* Executive Secy.	: Rev. Khamchinkhai

Copies - 1000

Aman:

Kumkhat ah	- Rs. 40/-
Post ah	- Rs. 50/-
Copy khat ah	- Rs. 3/-
Life Member Fee	- Rs. 600/-
Patron Member Fee	- Rs. 1000/-
Memorial gift	- Rs. 1500/-

Asung thu

♦ Editorial

Belampute Khristmas	1
♦ Bethlehem lam juon in	3
♦ Eden talsa guobang	8
♦ Suolam Ahsi	10
♦ Bethlehem	12
♦ Khrist deidan a Khristmas mang	13
♦ Bible Study	16
♦ Nectar theisahna	19
♦ Kipah thu genna	20
♦ ZPWF theisahna	21
♦ Suhdiha	22
♦ Thu tuomtuom	23
♦ Sun na	24

Life Member Fee leh Patron Member Fee khu Instalment (A themthem) a pieh thei ahia, apang nuom tapou pan thei zing ahi.

Thusuo zosie Editor leh ZPCS ngaidan ahi kim sih a, a suotute'n maw a kipuoh chiet ding uhi. Thusuo dingte Editor kung a pieh ding ahi.

PATRON MEMBERTE

- | | | |
|--------------------------|-------------------------|---------------------------|
| 1. Upa Gouzamang | 2. Pu Hav. Khamchinkhup | 3. Pu Khamzalam |
| 4. Pu Chinzasuan | 5. Upa Liansuanpau | 6. Pu Khamchinthang |
| 7. Pu S.Dalthang | 8. Upa Kapkhanthang | 9. Upa Langginmang |
| 10. Pu S. Nangkhanlal | 11. Pu S. Lamkhotang | 12. Upa Dr. M. Lachinkhai |
| 13. Upa Khamchinjam | 14. Upa(L) D.K.Manlun | 15. Upa Suankhanmang |
| 16. Upa Khupgou | 17. Upa Chinkham | 18. Upa Ngulchinkham |
| 19. Rev. V.Vungzalian | 20. Rev. Kamkhosoi | 21. Rev. Tualzachin |
| 22. Rev. H. Nengzaton | 23. Rev. Awnkhankhup | 24. Rev. Hangpi Manlun |
| 25. Pu Tuanzapau | 26. (L) Rev. Ginchinjam | 27. Pu Khamzasuan |
| 28. Upa T. Lamkhotawng | 29. Pu Khaichinmang | 30. Rev. Chinzathang |
| 31. Pu Khupkhanmang | 32. Pu Khaidohlian | 33. Nk. Khamzathang |
| 34. Pi Vungzanuam | 35. Pu T. Gouzadou | 36. Pu Liensuonkap |
| 37. Pi Zelkhochiin | 38. Pi Hatkhanvung | 39. Pi Ngaihoiching |
| 40. Pi Mankhannieng | 41. Pu Goukhanmang | 42. Pi Chingzalam |
| 43. Pu S. Thianzakhai | 44. Pi Kamkhanching | 45. Pu Haukhanpau |
| 46. Pu Tuallianmang | 47. Pu Dongkap | 48. Pi Chingkhanmang |
| 49. Nu Donkhannian | 50. Upa Henzakhup | 51. (L) Pu Saichinpau |
| 52. Pu Goumang | 53. Upa Khamkhanhang | 54. Shie Laangkhanlal |
| 55. Pu Khamkhanlun | 56. Upa L. Tualkhanpau | 57. Pu Jamsianmung |
| 58. Upa Ginzadong | 59. Pu Kaizathang | 60. Pi Goizanuom |
| 61. Pi Thangneivah | 62. Shie Khamzathang | 63. Pi Donchin |
| 64. Upa Liankhanmang | 65. Pu Hauchinlun | 66. Pu T.S. Lal |
| 67. Pi Goichiin | 68. Pu T. Khupchinthang | 69. Pu T. Kaizalam |
| 70. Pu Paul Henkholal | 71. Pu Soikham | 72. Rev. P.C. Manga |
| 73. Rev. T. Khamchinkhai | 74. P/p Jamlianpau | 75. Rev. Chinzapau |
| 76. Rev. Kamkhosam | 77. Upa Chinpu | 78. Pu Zamkhanthang |
| 79. Pu Chinglen | 80. Miss Chinhaunieng | 81. Upa P.K. Soia |
| 82. Pu Goukhai | 83. Pi Niangkhanmang | 84. Evan. G.L. Joshya |
| 85. Upa C.S. Pau | 86. Upa Nengchinkap | 87. Upa Pauchinlian |
| 88. Upa T.C. Pau | 89. Upa Khaihenthang | 90. Upa Tongkholian |
| 91. Mrs. Vahkhohling | 92. Upa Jamkhongam | 93. Pu Jamgenthang |
| 94. Pu T. Kuppa | 95. Upa T. Gougin | 96. Pu Ginsuanhau |
| 97. Pu Thanghaupau | 98. Rev. David K.Samte | 99. Upa T.S.K. Samte |
| 100. Upa S.K. Khama | 101. Pu Jamkhopao | 102. Pu Thathang Taithul |
| 103. Pa Kamkhankap | 104. Bhim Prasad | 105. P/P M.Kapsuanthang |
| 106. P/P Khupkhansuan | 107. Nu Chingneikim | 108. Pa L. Langminthang |
| 109. Nu Chinnu | | |

LIFE MEMBERTE

- | | | |
|--------------------------|-------------------------|-----------------|
| 1. Upa T. Khupkhenpau | 2. Pu M. Ginzahau | 3. Pu Selzapau |
| 4. Pu L.C. Pautungnung | 5. (L) Pi Khamkhannieng | 6. Pi Ngainuom |
| 7. Pu Chinsuanthang | 8. Pu Shanti Kumar | 9. Pu Kamkhohau |
| 10. Phamsa Pu Khamkhohau | | |